



故宮珍本叢刊

學海君道部

第六冊 共九冊

故宮博物院編 海南出版社

圖書在版編目(CIP)數據

故宮珍本叢刊.第 492~500 冊,子部.類書/故宮博物院編. —影印本. —海口:海南出版社,
2000.12

本輯包括:學海君道部/(明)饒伸輯

ISBN 7-80645-874-3

I. 故… II. 故… III. 古籍-善本-故宮博物院-叢刊 IV. Z121.7

中國版本圖書館 CIP 數據核字(2000)第 75627 號

故宮珍本叢刊第 497 冊

子部·類書

學海君道部

第六冊(共九冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:24 印數:1-400 冊

ISBN 7-80645-874-3/Z·41

定價:5240 元(子部類書 33 種共 33 冊)

本書如有印裝質量方面問題請與我社或承印廠聯係

我社爲本書每冊(種)書新編的目錄均置於每冊書末

學海君道部卷之一百三十一

創業類

帝王開基

大業篇三

高帝興漢章

漢太祖高皇帝姓劉氏諱邦字季沛人

史記曰高祖字季初爲泗上亭長爲縣送徒驪山秦始皇葬驪山故郡國送徒士

往徒多道以自度比至皆亡之到豐西澤中亭止飲夜乃解縱所

送徒曰公等皆去吾亦從此逝矣也徒中壯士願從者十餘人

劉季亡匿於芒碭山澤之間數有奇咻沛中子弟聞之多欲附者

秦二世元年壬辰秋九月楚人劉邦起兵於沛自立爲沛公綱目書法後同

帝王開基 卷之人

七月陳涉起斬至陳自立爲楚王郡縣多殺長吏以應涉九月沛

公以爲陳之謀主吏蕭何曹參參爲謀何爲王吏曰君爲秦吏今欲背

之率沛子弟恐不聽願君召諸亡在外者可得數百人因以劫衆

沛令後悔恐其有變乃閉城城守守其城也欲誅蕭曹曹恐踰城保

劉季保安也就高祖以自安劉季乃書帛射城上與沛人老曰天下同苦秦

久矣今父老雖爲沛令守諸侯並起今屠沛屠謂破城邑誅殺其人如屠六畜然

沛令共誅令擇可立之以應諸侯即室家完不然父子俱屠無

爲也父老乃率子弟共殺沛令開城門迎劉季欲以爲沛令劉季

曰天下方擾諸侯並起今置將不善一敗塗地謂肝腦塗地也吾非敢自

愛恐能薄不能完父子兄弟此大事願更立可者蕭曹等皆文吏

自愛恐事不就後秦種族其家謂沛及種人也盡讓劉季諸父老皆曰平

生所聞劉季奇怪當貴且卜筮之吉如劉季最吉劉季數讓莫

肯爲劉季乃立爲沛公許應元曰高祖起沛時沛父老子弟共殺沛令負高祖而沛父老子弟自殺之與籍之手刃殷通絕異又高祖起事便思完沛父子兄弟而項梁父子徒以兵力逞此成敗所以異祠黃帝祭蚩尤於沛廷而擊鼓以血祭者皆爲蠻旗幟皆赤

於是蕭曹樊噲等爲收沛子弟得三千人以應諸侯是時項梁與

兄子羽起吳田儋與從弟榮橫起齊自立爲齊王韓廣自立爲燕

王魏咎自立爲魏王悉依通鑑全文後同

癸巳秦二世二年正月秦兵圍沛公於豐沛公出戰破之

十月沛公攻胡陵方與音房預二縣俱屬山陽郡還守豐秦泗川監平將兵圍

豐泗川今沛郡秦時御史監郡平其各也二日沛公出與戰破之令雍齒守豐十一

月沛公引兵之薛秦泗川守壯兵敗于薛秦時郡置守監此泗川有監有守壯其名也

走至戚沛公左司馬得殺之顏師古云得司馬之名非也按後云易處蓋是沛公左司馬無傷沛公還軍亢父亢音抗父音至方與得泗川守壯而殺之此說是沛公還軍亢父亢音抗父音至方與沛屬任城郡

十二月秦將章邯擊破陳軍陳涉爲下所殺魏人周市將兵略豐

沛雍齒雅不欲屬沛公即以豐降魏沛公攻之不克

春正月沛公得張良以爲廐將

正月甯君秦嘉甯君秦嘉二人立景駒爲楚王在留今彭城留縣沛公往從之

張良亦聚少年百餘人欲往從景駒道遇沛公遂屬焉公以良爲

廐將良數以太公兵法說沛公公善之常用其策良與他人言輒

不省良曰沛公殆天授遂從不去沛公與良俱見景駒欲請兵以

攻豐時章邯從陳從謂追討也別將司馬尼劉攽曰別將當連下句讀言章邯身從陳而令別將

攻豐時章邯從陳從謂追討也別將司馬尼劉攽曰別將當連下句讀言章邯身從陳而令別將

攻豐時章邯從陳從謂追討也別將司馬尼劉攽曰別將當連下句讀言章邯身從陳而令別將

攻豐時章邯從陳從謂追討也別將司馬尼劉攽曰別將當連下句讀言章邯身從陳而令別將

攻豐時章邯從陳從謂追討也別將司馬尼劉攽曰別將當連下句讀言章邯身從陳而令別將

攻豐時章邯從陳從謂追討也別將司馬尼劉攽曰別將當連下句讀言章邯身從陳而令別將

將兵別定楚地屠相至碭碭梁國東陽甯君沛公引兵西與

戰蕭西之不利還收兵聚留二月攻碭三日拔之收碭兵得六

千人與故合九千人以故所收沛子弟三千今所收碭兵而此總密處史記無此句三月攻

下邑縣屬梁國拔之還擊豐不下四月項梁擊殺景駒秦嘉引兵入薛

沛公從騎百餘往見梁梁益沛公卒五千人五大夫將十人五大夫第

襄城還九爵名以五大夫為將凡十人沛公還引兵攻豐拔之雍齒奔魏夏五月項羽拔

夏六月項梁立楚懷王孫心為楚懷王

項梁盡召諸別將會薛計事沛公亦往焉與項梁共立楚懷王孫

心為楚懷王六國為秦所併楚最無罪故求其後立之以祖誼為號順民望也沛公從項梁引兵

攻亢父章邯圍田榮於東阿沛公項梁聞田榮之急廼引兵擊破

帝王開基 卷八 五

章邯東阿下郡走而西田榮東歸項梁獨追北北敗也使項羽沛公

別攻城陽屠其城軍濮陽東復與章邯戰又破之章邯復振振起也

散卒復自振散卒復自振守濮陽環水文穎曰決水以自環守為固也張晏曰

也也沛公項羽去攻定陶八月田榮立田儋子市為齊王定陶未

下沛公與項羽西略地至雍丘與秦軍戰大敗之斬三川守李

還攻外黃項梁已破秦軍引兵西北至定陶再破秦軍又聞雍丘

之勝益輕秦有驕色宋義諫不聽秦益章邯兵九月章邯擊項梁

于定陶大破之殺項梁沛公項羽攻外黃宋朱下去攻陳留聞梁死

士卒恐乃與將軍呂臣引兵而東徙懷王自盱台都彭城音呂

臣軍彭城東項羽軍彭城西沛公軍碭後九月懷王并呂后項羽

軍自將之以沛公為碭郡長封武安侯將碭郡兵章邯已破項梁

以為楚地兵不足憂乃渡河北擊趙王歇大破之趙數請救懷王

乃以宋義為上將項羽為次將北救趙

秋九月楚遣沛公伐秦

初懷王與諸將約先入定關中者王之當是時秦兵彊常乘勝

逐北諸將莫利先入關不以入關為利言畏秦也獨羽怨秦之殺項梁奮勢願

與沛公西入關懷王諸老將皆曰項羽為人悍禍賊慍疾悍勇

而殘賊也嘗攻襄城襄城無噍類噍音祚笑反無復有活而噍食者也所過無不殘滅且

楚數進取前陳王項梁皆敗不如更遣長者扶義而西扶助也告

諭秦父兄秦父兄苦其主久矣今誠得長者往毋侵暴宜可下項

羽不可遣獨沛公素寬大長者可遣懷王乃不許羽而遣沛公西

略地收陳王項梁散卒以伐秦沛公道碭至陽城與杠里二縣名杠音江

帝王開基 卷八 四

攻秦壁破其二軍冬十月沛公攻破東郡尉於城武尉都尉也

至景帝時乃改都尉十一月項羽殺冠軍軍宋義懷王因使羽為上將軍十二

月沛公引兵至栗沛郡縣遇剛武侯應劭注云楚懷王將剛侯陳武又云魏將梁武也孟康皆

合攻秦軍破之項羽大破秦軍鉅鹿下

甲午春二月沛公擊昌邑彭越以兵從沛公使酈生說陳留下之

二月沛公從碭北攻昌邑遇彭越越以其兵從沛公助攻昌邑未

下沛公引兵西過高陽高陽生酈食其因麾下騎士以見沛公沛

公問計酈生曰足下起糾合之眾收散亂之兵不滿萬人欲以徑

入強秦此所謂探虎口者也夫陳留天下之衝四通五達之郊也

今其城中又多積粟臣善其令請得使之令下足下即不聽足下

引兵攻之臣爲內應於是遣酈生行沛公引兵隨之遂下陳留酈生言其弟商時商聚少年得四千人來屬沛公沛公以爲將將陳留兵以從三月沛公攻開封未拔西與秦將楊熊會戰白馬東郡屬又戰曲遇東曲音丘羽大破之楊熊走之滎陽二世使使斬之以徇

夏四月沛公攻潁川略南陽秋七月南陽守齕降

四月沛公南攻潁川屠之因張良遂略韓地時趙別將司馬卬卬音印

方欲渡河入關沛公乃北攻平陰絕河津南戰洛陽東軍不

利南出轅轅張良引兵從沛公沛公令韓王成留守陽翟與良俱

南六月與南陽守齕戰東韓縣名也音大破之略南陽郡南

陽守走保城守宛沛公引兵過宛西張良諫曰沛公雖欲急入關

帝王開基 卷之八

五

秦兵尚衆距險今不下宛從後擊彈秦在前此危道也於是沛

公乃夜引軍從他道還偃旗幟遲明圍宛城三匝南陽守欲自剄

其舍人陳恢踰城見沛公沛公從其言受齕降封爲殷侯封恢千

戶引兵西無不下者至丹水高武侯龔裏侯王陵降還攻胡陽遇

番君別將梅鋗與偕攻析郢析今內鄉皆降軍所過不剄掠秦民

喜是月章邯舉軍降項羽

王九思曰懷王遣入關當時救趙難于入關秦大軍在趙有當

之者則入關差易爲力

倪思曰自項梁以來攻定陶未下攻外黃外黃未下而兵行無

忌殆欲汲汲起要害擣虛邑耳此最兵家要妙令人不及掩耳

而過閃自保得敵去爲幸何暇追襲此兵家勝算也故高帝攻

昌邑未拔過高陽攻開封未拔攻潁川蓋深喻此意獨宛強大

追敵近復欲過而西則前後相應非他邑比也故子房憂之而

惟漢事將成又有陳恢者謀之非宛計實漢計也

又曰以高帝寬大長者而不免於屠潁川所謂殺一不幸而得

天下不爲非耶

秋八月沛公入武關秦趙高殺帝立子嬰爲王

八月沛公攻武關入秦秦相趙高恐乃殺二世使人來欲約分王

關中沛公不許史記趙高殺二世使人來約欲分王關中沛公以爲詐乃用張良計因襲武關破之前漢紀沛公攻武關趙高殺二世以請和求分王關中沛公不聽云三傳皆同通鑑不載今從漢書

九月趙高立二世兄子子嬰爲秦王子嬰誅滅趙高遣將兵距

曉關應劭曰曉音堯曉山之關李奇曰在上洛北藍田南武關之西沛公欲擊之張良曰秦兵尚

帝王開基 卷之八

六

強未可輕顧先遣人益戍戍山爲疑兵使酈食其陸賈往

說秦將啗以利秦將果欲還和沛公欲許之張良曰此獨其將欲

叛恐其士卒不從不如因其怠懈擊之沛公引兵繞峽關踰黃山

擊秦軍大破之藍田南遂至藍田又戰其北秦兵大敗

乙未楚漢元年冬十月沛公至霸上秦王子嬰降

沛公至霸上在長安東三十里古曰滋水秦穆公更名霸秦王子

嬰素車白馬係頸以組封皇帝璽符節降軹道旁蘇林曰亭各之在長安東十三里師古曰軹音叔軹道亭在霸城觀西四里諸將或言誅秦王沛公曰始懷王遣我固

以能寬容且人已服降殺之不祥乃以屬吏

沛公入咸陽還軍霸上除秦苛法

沛公西入咸陽欲止宮休舍師古曰舍息也樊噲諫曰沛公欲有

天下耶將爲富家翁耶凡此奢麗之物皆秦所以亡也沛公何用焉願急還霸上毋留官中沛公不聽張良曰秦爲無道故沛公得至此夫爲天下除殘賊宜稿素爲資公始入秦即安其樂此所謂助桀爲虐願沛公聽樊噲言沛公乃封秦重寶財物府庫還軍霸上蕭何盡收秦丞相府圖籍藏之以此沛公得具知天下阨塞戶口多少疆弱之處十一月沛公召諸縣豪傑曰父老苦秦苛法久矣誹謗者族偶語者棄市秦法禁民聚語罪也吾與諸侯約先入關者王之吾當王關中與父老約法三章耳殺人者死傷人及盜抵罪餘悉除去秦法吏民皆按堵如故應劭曰按次第堵牆皆也師古曰軍中造人與所以來爲父老除害非有所侵暴毋恐且吾所以軍霸上待諸侯至而定約束耳要亦乃使人與秦吏行縣鄉邑告諭之師古曰軍中造人與

帝王開基

卷之八

七

秦吏相隨偏至諸縣鄉邑而告諭也秦民大喜爭持牛羊酒食獻享軍士沛公又讓不受曰倉粟多非乏不欲費民民又益喜唯恐沛公不爲秦王蘇子由論曰高帝之入秦一戰於武關兵不血刃而至咸陽此天也非人也秦之亡也諸侯並起爭先入關秦遣章邯出兵擊之秦雖無道而其兵方彊諸侯雖銳而皆烏合之衆其不敵秦明矣然諸侯皆起于群盜不習兵勢凌藉郡縣任于亟勝不知秦之未可攻也於是章邯一出而殺周章破陳涉降魏咎斃田儼兵鋒所至如獵狐兔皆不勞而定後乃與項梁遇苦戰再三然後破之梁雖死而秦之鋒銳亦畧盡矣然邯以爲楚地諸將不足復慮乃渡河北擊趙邯既北而秦國內空至是秦始可擊而高帝乘之此正兵法所謂避實而擊虛者蓋天合非人謀也項梁之死也楚懷王遣

宋義項羽救趙羽願與沛公西入關懷王諸老將皆曰項羽爲人慍悍禍賊管攻襄城襄城無噍類所過無不殘滅且楚數進取前陳王項梁皆敗不如更遣長者扶義而西告諭秦父兄秦父兄苦其主久矣誠得長者往無侵暴宜可下卒不許項羽而遣沛公沛公方入關而項羽已至河北與章邯相持邯雖欲還兵救秦勢不得矣懷王之遣沛公固當然非邯羽相持於河北沛公亦不能成功故曰此天命非人謀也

或問章邯假令不過河北高帝能入秦乎子由以邯提兵擊盜則當時老將健卒已虛關中似亦有見然覽觀秦紀本末蒙氏兄弟誅而將陷矣阿房之宮驪山之葬而百姓怨矣諸公子及李斯坐法死而骨肉大臣不附矣至于趙高之夷子嬰之立上

帝王開基

卷之八

八

下岌岌矣高帝之入秦靡之以石投卵也又何疑哉性理程子曰高祖其勢可以守關不放入項王然而須放他入來者有三事一是有未成二十萬秦子弟在外恐內有父兄爲變二是漢王父母妻子在楚三是有懷王

謝氏曰程子之論三說皆考之未詳也何則高帝受子嬰之降誤聽遣兵守關方十月之交耳黥布攻破函關羽兵進屯戲下則十有二月也不善將兵既弗勝拔山蓋世之雄雖善將將尚未獲韓彭之助絳灌噲嬰之徒又非黥布蒲將軍之敵倘後非張良之調護項伯之約婚則高帝不亡于鋒鏑必戕于舞劍何得云可以開關抗羽也關中父老惟恐帝之不王關縱子弟在外亦無內變之虞况新安盡坑秦卒二十萬又在十一月之中

距關千里乎此一事之不然也懷王約先入關中者王之高帝受降彌日羽纔叩關攻破所恨力不能敵耳倘能拒羽無納正所以遵王之命此二事之不然也惟太公呂后惠帝正在沛中向使范增之計得行項莊之劍無敵身且不保而何父母妻子之云此亦三事之不盡然也

又問高帝約法三章何如陳氏曰是時沛公猶未王關中也而輒與其民私約如此殆類於兒曹嘔咆之爲者當雌雄未定之時務爲寬大長者以媚悅斯民孰不能者及項氏既滅天下一家正高帝創法定令之時也而三章之法不移如山豈兒曹嘔咆之恩姑以媚悅于一時者哉使其仁心仁聞出於至誠憐恤之意雖草莽私約遂以爲漢世不利之英真主一言其利溥哉

帝王開基

卷之八

九

卮言曰秦民苦於虐政高帝與之約法三章雖非媚悅斯民亦一時解網之恩耳天下既定蕭何制法自有節目以垂久遠豈以草莽之約遂爲不刊之典乎三章之法而可爲典則其治天下亦大闊略矣

尹氏曰綱目書楚遣沛公伐秦則沛公奉辭伐罪爲有名矣又書秦王子嬰降則沛公仗義入關已誅無道秦矣又書還軍霸上除秦苛法則仁義之舉雖未足以追配湯武然亦不嗜殺人之意者夫秦苛酷結怨于民沛公入秦自除其虐如救焚拯溺深得弔民之理其寬大愛人雍容氣象於茲可想孟子有言民之歸仁猶水之就下故雖三代之得天下不過如是而已惟合前後所書觀之則漢之興非苟然者孰謂其起於叛亡亭長而能若是乎

劉氏曰綱目上書沛公還軍霸上除秦苛法下書詐坑秦坑秦卒二十餘萬屠咸陽殺子嬰掘始皇冢大掠而東劉項之仁暴分矣漢楚之興亡兆矣

丘氏濬曰初懷王與諸將約先入關者王之至是沛公至霸上而秦王子嬰降沛公既受其降矣則代秦而有天下者非沛公而誰哉矧沛公以德行仁而爲人心之所歸往庶幾王者之師當時諸將往往失人心而項氏尤甚人心之歸天命之所在也

唐氏順之曰帝初入關其誠不足抗羽焉若且損關中以與之僻處一隅蓄銳養威以待其變之可乘而後一舉而斃之入業可定也胡爲汲汲于守關以犯項氏之怒而徵幸于鴻門之謝耶嗚呼此蕭何勸王巴蜀之意也

帝王開基

卷之八

十

洪氏邁曰高祖入關與父老約法三章秦民大喜已而項羽所過殘滅民大失望劉氏四百年基業定于此矣蓋禮義感人心其究至于浹肌膚而淪骨髓不過語言造次之間初非有怪奇卓詭之事也

屠氏隆曰沛公于所過禁毋劓掠入關不殺秦子嬰與封秦府庫不取此皆王者作用懷王諸老將謂長者扶義而西正以此

沛公遣兵守函谷關項籍攻破之

史記或說沛公曰秦富十倍天下地形彊今聞章邯降項羽號爲雍王王關中卽來沛公恐不得有此可急使兵守函谷關毋內諸侯軍稍徵關中兵以自益距之沛公然其計從之已而項羽果帥諸侯兵至關關門閉聞沛公已定關中大怒使樊噲等攻破函

谷關十二月羽進至戲范增說羽急擊沛公於是鄉士旦日合戰是時項羽兵四十萬號百萬在新豐鴻門沛公兵十萬號二十萬在霸上沛公兵力不敵會李父項伯素善張良沛公用項伯張良謀謝羽得免詳惠沛公歸數日羽引兵西屠咸陽殺秦降王子嬰燒秦宮室所過無不殘滅秦民大失望羽使人還報懷王懷王曰如約羽乃陽尊懷王為義帝不用其命

春二月項籍自立為西楚霸王立沛公為漢王

史記項羽分天下王諸將自立為西楚霸王羽與范增疑沛公而業已講解又惡負約乃陰謀曰巴蜀道險秦之遷人皆居之乃曰巴蜀亦關中地也故立沛公為漢王王巴蜀漢中都南鄭梁州治所今南鄭而三分關中王秦降將以距塞漢路

帝王開基

卷之八

十一

夏四月漢以蕭何為丞相遣張良歸韓

漢書漢王以項羽負約怒欲攻羽周勃灌嬰樊噲皆勸之蕭何諫

曰雖王漢中之惡不猶愈於死乎漢王曰何為乃死也何曰今眾

弗如百戰百敗不死何為夫能周書曰天子不取反受其咎語曰

天漢其稱甚美天漢天河也俗語常河俗語以漢記天此美名也夫能詘於一人之下而

信於萬乘之上者湯武是也臣願大王王漢中養其民以致賢人

漢紀養作撫收用巴蜀還定三秦天下可圖也漢王曰善乃遂就國以

何為丞相漢王賜張良金珠良盡以獻項伯漢王亦因良厚遺項

伯使盡請漢中地項王許之夏四月諸侯罷戲下兵各就國項王

使卒三萬人從漢王之國楚與諸侯人之慕從者數萬人王與中曰項羽使三萬人從馬知非暗圖漢王乎漢從杜南入漢中京兆杜南張良

送至褒中梁州褒城縣漢王遣良歸韓良因說漢王燒絕所歸棧道代以張良從漢王韓王成又無功故不遣之國與俱至彭城廢以為木為之穰侯已又殺之

胡氏曰人有常言用賢所以養民也蕭相國乃謂養民以致賢人何也曰此無所襲獨見之言也夫天之立君以為民也君之求臣以行保民之政也臣之事君以行安民之術也故世無養民之心則天下之賢人君子不為之用而上之所得者莫非殘民害物之人是以民心日離君勢日孤亡秦之轍可以鑒矣蕭何有見於此而高帝聞言即悟漢業之興不亦宜哉

林氏曰劉項爭天下其勢力才氣相去遠甚然羽終失天下而為

帝王開基

卷之八

十一

高帝所斃者羽能勇不能怯故也高帝之封於漢中絳灌皆勸之

以攻羽曾不知勢弗敵而與旋是蹙之亡耳故蕭何以為詘于一

人信於萬乘湯武是也高帝隱忍從之卒如其言以成漢家四百

年之社稷此則能勇能怯之效也羽之敗於烏江也亭長艤舟待

之以為江東雖小亦足以王願王急渡此即蕭何之謀耳羽不勝

其忿乃曰縱江東父老憐而王我我何面目見之此所謂能勇而

不能怯也是故高帝百戰而不敗惟其不勝也一勝則必至於王

項羽百戰而百勝惟其必勝也一不勝則必至於亡

鄒氏壁曰張良之勸欲其避鋒養銳而為一時權變之謀蕭何之

言欲其端本澄源而為混一海宇之計漢王勇於從善而兩用之

王業之成歷年之永傳世之多莫非養民致賢之效也嗚呼民

本漢仁之而王楚虐之而亡丘民胡可不得其心哉

郝經曰高帝不與項羽校雙屈漢中知退也還定三秦以討羽知進也故後世稱帝王知進退之理者以高帝爲首

秋七月漢王以韓信爲大將留蕭何給軍食

史記漢王既至南鄭諸將及士卒皆歌謳思東歸多道亡者韓信

此韓王信非淮陰侯

說漢王曰項羽王諸將之有功者皆近地而王獨遠居

此左遷也士卒皆山東人跋而望歸及其鋒而用之可以有大功

天下已定人皆自寧不可復用不如決策東嚮爭權天下項羽出

關使人徒義帝於郴淮陰人韓信初亡楚歸漢爲治粟都尉蕭何

奇之數言於漢王王未之奇也信乃亡去蕭何追還之漢王曰諸

帝王開基

卷之八

十三

將亡者以十數公無所追追信許也何曰諸將易得也至如信者

國士無雙王必欲長王漢中無所事信必欲爭天下非信無所與

計事者顧王策安所決耳王曰吾亦欲東耳安能鬱鬱久居此乎

何曰王計必欲東能用信信卽留不能用信終亡耳

以下詳本部命將及臣部將於是漢王齋戒設壇場拜信爲大將軍問以計策信謝因問王

曰今東鄉爭擅天下豈非項王耶漢王曰然曰大王自料勇悍仁

與項王漢王默然良久曰不如也信再拜賀曰惟信亦以爲

公王不如也然臣嘗事之請言項王之爲人也項王嗜啞叱咤手

人皆廢然不能任屬賢將此特匹夫之勇耳項王見人恭敬慈愛

言語嘔嘔人有疾痛涕泣分食邑至使人有功當封爵者印剋弊

忍不能予此所謂婦人之仁也項王雖霸天下而臣諸侯不居關

中而都彭城有背義帝之約而以親愛王諸侯不平諸侯之見項

王遷逐義帝置江南亦皆歸逐其主而自王善地項王所過無不

殘滅者天下多怨百姓不親附特畏於威彊耳名雖爲霸實失天

下心故曰其彊易弱今大王誠能及其道任天下武勇何所不誅

以天下城邑封功臣何所不服以義兵從思東歸之士何所不散

言義兵無敵敵兵皆離散且三秦王爲秦將將秦子弟數歲矣所散亡不可勝

計又欺其衆降諸侯至新安項王詐坑秦卒二十餘萬惟獨邯鄲

賢得脫秦父兄怨此三人痛入骨髓今楚強以威王此三人秦民

莫愛也大王之入武關秋毫無所害除秦苛法與秦民約法三章

耳秦民無不欲得大王王秦者於諸侯之約大王當王關中關中

民咸知之大王失職入漢中秦民無不恨者今大王舉而東三秦

可傳檄而定也於是漢王大喜自以爲得信遂聽信計部署諸將

帝王開基

卷之八

十四

所擊分部而署置之留蕭何收巴蜀租給軍食

楊維禎曰韓信登壇之日畢陳平生之畫略論楚之所以失漢之

所以得此三秦還定之謀所以卒定於韓信之手也

唐氏曰孔明之初見昭烈論三國亦不能過於信故曰淮陰者非

特將略也

凌氏曰何之勸帝則曰還定三秦而天下可圖信之告帝則曰舉

兵而東三秦可定二人之論不相謀而相合皆有見於天下之大

勢者此何所以奇信而數言於帝也

八月還定三秦

八月漢王引兵從故道

縣名屬武都出襲雍雍王章邯迎擊漢陳倉雍

兵敗還走戰好時縣名屬武都又大敗走廢丘漢王遂定雍地東如咸

陽引兵圍雍王於廢丘而遣諸將略地塞王欣翟王翳皆降以其地爲渭南河上上郡令將軍薛歐王吸出武關因王陵兵以迎太公呂后於沛項王聞之發兵距之陽夏不得前又以故吳令鄭昌爲漢王以距漢令蕭公角擊彭越越敗角兵時張良徇韓地遺項王書曰漢王失職欲得關中如約即止不敢復東又以齊梁反書遺項王曰齊欲與趙并滅楚項王以故無意西而北擊齊丙申冬十月漢王如陝鎮撫關外父老河南王陽韓王昌降漢十一月漢王還都櫟陽

漢書十月項羽使九江王布殺義帝於郴陳餘亦怨羽獨不王已從田榮藉助兵以擊常山王張耳耳敗走降漢漢王厚遇之陳餘迎趙王歇於代復爲趙王趙王德餘立餘爲代王張良自韓間行

帝王開基

卷之八

五

歸漢漢王以爲成信侯漢王如陝鎮撫關外父老河南王申陽降置河南郡以韓襄王孫信爲韓太尉將兵擊韓韓王鄭昌降十一月立信爲韓王常將韓兵從

春三月漢王渡河魏王豹降虜殷王卬以陳平爲護軍中尉

漢王還都櫟陽使諸將略地拔隴西以萬人若一郡降者封萬戶繕治河上塞補故秦苑囿池令民得田之春正月諸將拔北

地虜雍王弟章平二月癸未令民除秦社稷立漢社稷施恩德賜

民爵三月漢王自臨晉渡河舊縣名卽今之同州朝邑縣界魏王豹降將兵從下

河內虜殷王卬置河內郡至修武陳平亡楚來降漢王與語說之

使參乘監諸將

漢王至洛陽爲義帝發喪告諸侯討項籍夏四月漢王率五諸侯兵

伐楚入彭城項籍還破漢軍

漢王南渡平陰津至洛陽新城縣屬河南郡三老董公遮說漢王曰臣

聞順德者昌逆德者亡兵出無名事故不成故曰明其爲賊敵乃可服項羽無道放殺其主天下之賊也夫仁不以勇義不以力太王宜率三軍爲之素服以告諸侯而伐之則四海之內莫不仰德

此三王之舉也於是漢王爲義帝發喪袒而大哭哀臨三日發使告諸侯王以擊楚之殺義帝者于是陳餘遣兵助漢是時項王北擊齊田榮走死四月田橫復立田廣爲王項王雖聞漢東既擊齊

欲遂破之而後擊漢漢王以故得率史漢五諸侯兵凡五十六萬人應劭曰雍翟塞殷韓也如淳曰塞翟魏殷河南也韋昭曰塞翟韓魏殷也雍翟已敗師古曰諸家之說皆非也張良遺羽書云漢欲得關中如約即止不敢復東東謂出關之東今羽聞漢東之時漢固已得三秦矣五諸侯者謂常山河南魏韓殷也此年十月

帝王開基

卷之八

六

常山王張耳降河南王申陽降韓王鄭昌降三月魏王豹降虜殷王卬皆在漢東之後故知謂此爲五諸侯時雖未常山之地據功臣表云張耳棄國與大臣歸漢則亦有士卒也又叔孫通傳云三年漢王從五諸侯入彭城爾時雍王猶在廢丘被圍卽非五諸侯之數尋此紀文昭然可曉劉攽曰張耳奉頭鼠竄安得有兵五諸侯者陳餘其一也事見餘傳東越楚到外黃

彭越將三萬人歸漢漢王曰彭將軍收魏地得十餘城欲急立魏

後今西魏王豹真魏後乃拜越爲魏相國今定梁國漢王遂入彭城收羽美人貨賂置酒高會項王聞之令其將擊齊而自以精兵

三萬人南從魯出胡陵至蕭晨擊漢軍而東至彭城日中大破漢

軍漢軍皆走楚又追擊至靈壁東睢水上漢軍却爲楚所擠皆入

睢水睢水爲之不流圍漢王三匝會大風從西北起折木發屋揚

砂石竄冥晝晦楚軍大亂而漢王乃得與數十騎遁去欲過沛收

家室而楚亦使人之沛取漢王家家皆亡不與漢王相見漢王道

逢孝惠魯元載以行楚騎追漢王急推墮二子滕公下收載遂得脫審食其從太公呂后間行反遇楚軍楚軍與歸項王常置軍中爲質是時呂后兄周呂侯將兵居下邑漢王往從之稍稍收其士卒諸侯見漢敗皆背漢復與楚塞王欣翟王翳亡降楚

南軒張氏曰惟仁義足以得天下之心三王是也高帝之興亦有合乎此是以能翦暴秦滅項而卒基漢業方懷王諸老將固以爲沛公素寬大長者而心歸之至於三章之約其所以得乎民者深矣此非所謂仁者歟予每愛三老董公之說以爲順德者昌逆德者亡名其爲賊敵乃可服三軍之衆爲義帝縉素聲項羽之罪而討之於是五十六萬之師不謀而來從義之所感也使斯時高帝不入彭城置酒高會率諸侯窮羽所至而誅

帝王開基

卷之八

十七

之天下卽定矣惜其誠意不篤不能遂成湯武之功然漢卒勝楚幸亡者良由於此名正義立故也

性理書或問爲義帝發喪是詐後如何却成事朱子曰只緣當時人和詐也無如五伯假之亦是諸侯皆不能假故也

又曰漢高祖取天下所謂仁義者豈有誠心哉其意本謂項羽皆約及到新城遇三老董公之言方托此之名以正彼之罪所謂縉素發喪之舉其意何在似此之謀看當時未必不是欲項羽殺之而後罪之也

又問高帝爲義帝發喪與曹操挾天子以今天下如何曰爲義帝發喪因人之短而執之挾天子以今天下負已之有而挾之雖皆詭之爲名但一則豪傑起事舉動光明一則奸雄不軌蹤

跡暗昧爲義帝發喪無君之罪在項羽挾天子令諸侯無君之罪在曹操

潛室陳氏曰楚懷王之立也天將以興漢平懷王之死也天將以亡楚乎夫懷王之所立此宜深德於項今觀懷王在楚曾無絲粟之助於楚而獨屬意於沛公方其議遣入關也羽有父兄之怨於秦所遣宜莫如羽者顧不遣羽而遣沛公曰吾以其長者不殺也沛公之帝業蓋於是乎興矣至其與諸將約也曰先入關者王之沛公先入關而羽有不平之心使人致命于懷王蓋以懷王爲能右已也而懷王之報命但如約而已以草莽一時之言而重於山河丹書之誓羽雖欲背其約其如負天下之不直何是沛公之帝業又於此乎定矣夫項氏之興本假於

帝王開基

卷之八

十八

亡楚之遺孽顧迫於亞父之言起民間牧羊子而王之蓋亦謂其易制無他而豈料其賢能若是耶始而爲項氏之私人而今遂爲天下之義主始以爲有大造於楚而今則視羽蔑如也則羽此心之齟齬悔退豈能久居人下者自我立之自我廢之或生或殺羽以爲此吾家事而不知天下之英雄得執此以爲辭也故自三軍縉素之義明沛公之師始堂堂于天下而羽始奄奄九泉下人矣懷王之立曾不足以重楚而懷王之死又適足以資漢然則范增之謀欲爲楚也而祇以爲漢也嗚呼此豈沛公智慮所能及哉其所得爲者天也亦豈范增智慮之所不及哉其所不得爲者亦天也

又曰高帝之爲義帝發喪也三軍縉素天下之士歸心焉雖然

帝亦詭而用之耳。夫帝之於懷王、君臣之分未定也。王則當以義主而事之，死則以爲義主而喪之。此蓋項氏之短而大其辭以執之，是董公之善謀豈出於帝之情哉？

胡氏曰：天下苦秦諸侯並起，名其師者曰誅無道秦。可矣。今秦已滅，諸侯各有分地，而漢又起兵，雖曰羽爲政不平，顧亦伸已私忿耳，非義兵也。及董公獻言，漢王大臨，然後羽弑，君之罪無所容於天地之間，而天下歸於漢王，可坐而策也。故隋何陳此義而下九江，酈生陳此義而下金齊，於是楚人肯無倚石斷其背，雖欲不亡不可得矣。

朱氏曰：自昔帝王之興，憂天命之圯絕而求與之保合，憫人心之陷溺而思與之拯援，無所自容其力不得已而見之兵革之

帝王開基

卷之八

七

間亦豈其心之所欲哉？反道敗德，侮慢自賢，則苗不可以不伐，桀侮五行，怠棄三正，則扈不可以不征。倣擾天地於是有義和之師，矯誣上帝於是有鳴條之攻，謂祭無益，謂暴無傷，謂已有天命，謂敬不足，行於是，有牧野之戰，去邠之愠，不殄則采薇之役，不可不遣也。不恭之怒，方張則方徂之旅，不可不遏也。整居之禍，孔熾則六月之伐，不可不亟也。誅亂之兵，不出則仁義之統紀不明，仁義之統紀不明，則上下內外紊舛，失叙固將淪入禽獸夷狄而不自覺者，雖欲私一己而安歲月，詎可得乎？使高帝不聞仁義之說，不爲編素之舉，特以智力與項氏相角，使幸而勝之，則是吾與天下獨以智力相尚耳。智不足以相勝，則凡智於我者，孰不及面以相賊，力不足以相制，則凡力於我者，孰

不交臂以相戕禍亂之來，曷有窮已？自仁義之言一明，使天下曉然知帝王統紀如日月之不可掩，自編素之師一舉，使天下灼然知天下定分如天地之不可易。三綱九疇幾斷而復續，天命人心欲復而方正，漢雖不純王道而猶培植扶持至四百年之久，既絕而復振，欲竊而猶未敢由此也夫。

卮言曰：高帝用董公之謀，爲義帝發喪也。姑執此義以動諸侯兵耳。然而諸侯非盡義帝臣也，亦知漢之不爲義帝也。故一敗而諸侯畔矣。愚謂漢楚之興亡，亦不係於此也。自是漢屢敗而楚屢勝，惟漢以敗戒而知人善任，楚以勝驕而自用其力，此其得失之效也。雖然，亦有天命非人力也。陳氏諸子之論備矣。

胡氏曰：盤水可奉而志難持，六馬可調而氣難御，使漢王於是

帝王開基

卷之八

年

時兢兢業業，如初入關中，見羽鴻門，則亦何至於敗哉？今志不持而氣爲帥，狃於小勝而逸欲生焉，是以至於敗耳。且是行也，直欲破羽之國都，歟則宜亟遷榮陽以主待客可也。若欲致羽而與戰，歟則宜分部諸將據險邀擊可也。今乃淹留引日，肆志淫樂，而群臣亦以無諫者，豈良平諸公不在行歟？嗚呼危哉！朱氏曰：自後世觀之高祖攻守之心，若出於一，未嘗有間然以史考之，至咸陽則欲懷安，至彭城則已驕縱，天下旣平，則易敵愾，諫諍徑踰句注，幾陷不測，自是以還，始厭功畏兵，不輕動妄作，以禍天下。後世賴之，吾嘗爲之說，高帝之能取天下，本於鼓城之敗，而其能守天下，則自夫白登之圍。

三月漢王遣隋何使九江

漢王謂群臣曰吾欲捐關以東等塞之誰可與共功者言捐以東之令其止

功破

張良曰九江王布楚梟將與項王有隙彭越與齊反梁地此

兩人可亟使而漢王之將獨韓信可屬大事當一面即欲捐之捐

之此三人則楚可破也漢王曰下邑徙軍陽遂至虞即今宋州謂

左右曰孰能為我使九江王布令舉兵畔楚項王必留擊之得留

數月我取天下可以百全者隨何請行王遣之

五月漢王至滎陽魏王豹叛漢漢王還櫟陽漢兵圍雍丘雍王卬自

殺盡定雍地

五月漢王至滎陽諸敗軍皆會蕭何發關中老弱未傅者悉詣軍

韓信亦收兵與漢王會兵復大振與楚戰滎陽南京索間應劭曰京縣名

今有大索楚騎來戰衆漢王擇軍中可爲騎將者拜灌嬰爲中大

帝王開基

卷之八

王

夫李必駱甲爲校尉將騎兵擊楚騎於滎陽東大破之楚以故不

能過滎陽而西漢王軍滎陽築甬道屬河應劭曰恐敵鈔輜重故

曰甬音踊師古曰屬縣也古之欲反以取敖倉粟五孟康曰敖地名在滎陽魏王豹諱

歸視親疾至則絕河津反爲楚六月漢王還滎陽壬午立太子敖

罪人令諸侯子在關中者皆集櫟陽爲衛引小灌廢丘廢丘降章

卬自殺定雍八十餘縣以爲中地北地隴西郡

秋八月漢王如滎陽命蕭何守關中立宗廟社稷

漢王如滎陽命蕭何守關中侍太子爲法令約束立宗廟社稷宮

室縣邑何計關中戶口轉漕調兵以給軍未嘗之絕

漢韓信擊魏虜王豹遂北擊趙代

漢王使酈食其往說魏王豹且召之豹不聽於是漢王以韓信爲

左丞相與曹參灌嬰俱擊魏九月信擊虜豹傳詣滎陽悉定魏地

置河東太原上黨郡信使人請兵三萬人願以北舉燕趙東擊齊

南絕楚糧道漢王許之乃遣張耳與俱引兵東北擊趙代後九月

信破代兵禽夏說於關與信之下魏破代漢王輒使人收其精兵

詣滎陽以距楚

丁酉冬十月韓信大破趙軍禽王歇斬代王餘遣使下燕

十月韓信張耳以兵數萬東擊趙大破趙軍于井陘口斬陳餘於

泜水上禽趙王歇置常山代郡信從廣武君李左車策發使使燕

燕從風而靡遣使報漢且請以張耳王趙漢王許之楚數使奇兵

渡河擊趙張耳韓信往來救趙因行定趙城邑發兵詣漢

十二月隨何以九江王布歸漢

帝王開基

卷之八

王

隨何至九江說九江王黥布遂殺楚使有因起兵而攻楚楚使項

聲龍且攻布破之布欲引兵走漢恐楚兵殺之乃間行與何俱歸

漢漢王分之兵與俱屯成皐

夏四月楚圍漢王於滎陽五月漢王走入關彭越擊楚還兵擊之

漢王復軍成皐六月楚破彭越還拔滎陽及成皐漢王走渡河奔韓

信軍遣信擊齊

楚數侵奪漢甬道漢軍乏食漢王與酈食其謀撓楚權食其欲立

六國後以樹黨漢王以問張良良發八難而止詳詳臣部又問陳平乃

從平計與平黃金四萬斤以間疏楚君臣夏四月楚圍漢王於滎

陽漢王請和割滎陽以西者爲漢亞夫勸羽急攻滎陽漢王患之

陳平反間既行羽果疑亞夫亞夫大怒發病死五月將軍紀信詐

帝王開基

卷之八

三

為漢王出降以誑楚軍以故漢王得與數十騎出西門遁去令韓王信與周苛魏豹樅公守滎陽羽燒殺信周苛樅公因殺魏豹漢王出滎陽至成臯自成臯入關收兵欲復東轅生說漢王曰漢與楚相距滎陽數歲漢常困願君王出武關項王必引兵南走王深壁勿戰令滎陽成臯間且得休息使韓信等得輯河北趙地連燕齊君王乃復走滎陽如此則楚所備者多力分漢得休息復與之戰破之必矣漢王從其計出軍宛葉間宛縣葉縣之間與黥布收兵羽聞聞漢王在宛果引兵南漢王堅壁不與戰是月彭越渡睢與項聲薛公戰下邳破殺薛公羽使終公守成臯而自東擊彭越漢王引兵北擊破終公復軍成臯六月羽已破走彭越聞漢復軍成臯乃引兵西拔滎陽城烹周苛并殺樅公而虜韓信遂圍成臯漢王跳

秋八月漢王軍小脩武遣人燒楚積聚

漢王得韓信軍復大振八月引兵臨河南鄉軍小脩武欲復與楚戰郎中鄭忠說止漢王高壘深塹勿與戰漢王聽其計使將軍盧綰劉賈將卒二萬人騎數百度白馬津入楚地佐彭越燒楚積聚

帝王開基

卷之八

四

以破其業無以給項王軍食而已楚軍擊劉賈賈醜堅壁不肯與戰而與彭越相保彭越攻狗梁地下睢陽外黃等十七城九月項王謂大司馬曹咎曰謹守成臯即漢王欲挑戰慎勿與戰勿令得東而已我十五日必定梁地復從將軍羽引兵東行擊陳留外黃睢陽等城皆下之

漢王遣酈食其說齊下之

漢王欲捐成臯以東屯鞏洛以距楚酈生曰臣聞知天之天者王事可成王者以民為天而民以食為天夫敖倉天下轉輸久矣臣聞其下乃有藏粟甚多楚人拔滎陽不堅守敖倉乃引而東令譙卒分守成臯此乃天所以資漢也方今楚易取而漢反却自奪其便臣竊以為過矣且兩雄不俱立楚漢相持不決海內搖蕩農夫釋耒工女下機天下之心未有所定也願陛下急復進兵收取滎陽據敖倉之粟塞成臯之險杜太行之道距蜚狐之口蜚狐口在代郡南四守白馬之津以示諸侯形制之勢則天下知所歸矣王從之乃復謀取敖倉食其又說王曰方今燕趙已定惟齊未下諸田宗彊負海岱阻河濟南近於楚人多變詐雖遣數萬師未可以歲月破也臣請得奉詔說齊王使為漢而稱東藩漢王曰善乃使酈生說齊王先是齊聞韓信且東兵使華無傷田解將軍兵屯歷下軍以距漢及納酈生之言遣使與漢平乃罷歷下守戰備與酈生日縱酒為樂韓信引兵東未度平原聞食其已說下齊欲止蒯徹說信曰將軍為將數歲反不如一豎儒之功乎信然之遂渡河

戊戌冬十月漢韓信襲破齊

韓信襲破齊歷下軍遂至臨淄齊王以酈生為賣已乃烹之引兵東走高密今萊州縣使使之楚請救田橫走博陽守相田光走城陽將軍田既軍於膠東

漢王復取成臯與楚皆軍廣武

楚大司馬咎守成臯漢數挑戰楚軍不出使人辱之數日咎怒渡兵汜水士卒半渡漢擊之大破楚軍盡得楚國金玉貨賂咎及司馬欣皆自勁汜水上漢王引兵渡河復取成臯軍廣武就敖倉食項羽下梁地十餘城聞成臯破乃引兵還漢軍方圍鍾離昧於滎陽東聞羽至盡走險阻羽亦軍廣武與漢相守數月楚軍食少項王三令壯士出挑戰樓煩輒射殺之項王怒自出挑戰樓煩走還入壁漢王使人間問之乃項王也漢王大驚於是項王乃即漢王

帝王開基

卷之八

三五

羽與臨廣武間而語羽欲與漢王獨身挑戰漢王因數羽十罪羽大怒伏弩射中漢王傷胸乃捫足曰虜齊中吾指漢王病創卧張良彊請漢王起行勞軍以安士卒母令楚乘勝漢王出行軍疾甚因馳入成臯

楚救齊十一月漢韓信擊破之殺其將龍且虜齊王廣遂定齊地春二月漢立韓信為齊王徵其兵擊楚

韓信已定臨淄遂東追齊王項王使龍且將兵號二十萬以救齊與齊王合軍高密十一月齊楚與漢夾濰水而陳韓信誘擊龍且殺之齊王廣亡走信遂追北至城陽虜齊王廣灌嬰追得田光進至博陽田橫聞王死自立為齊王還擊嬰敗橫軍於麗下田橫亡走梁歸彭越嬰進擊齊將田吸於千乘縣屬北海郡曹參擊田既於

膠東皆殺之盡定齊地漢王疾愈西入關至櫟陽梟故塞王欣頭櫟陽市留四日復如軍宣廣武春二月遣張良標印立韓信為齊王徵其兵擊楚秋八月楚與漢約中分天下不幸死者更為衣衾棺欲轉送其家四方歸心焉

秋八月楚與漢約中分天下

項王自知少助食盡韓信又進兵擊楚羽患之漢遣侯公說羽請太公羽乃與漢約中分天下劉洪溝以西為漢以東為楚九月楚歸太公呂后引兵解而東歸漢王欲西歸張良陳平諫曰漢有天下大半而諸侯皆附楚兵疲食盡此天亡之時也今釋弗擊此謂養虎自貽患也漢王從之

尹氏曰當是時漢彊楚弱政自不必約和然太公在楚未有取

帝王開基

卷之八

三六

之計也綱目上書中分天下繼書歸太公呂后於漢則漢之此舉為請太公明矣然書楚與漢約而不書漢與楚約則見欲和者出於楚之本心而漢王不急於救父其惡蓋自不言可知况漢既得太公乃始背惠食言進兵攻楚故此明書解而東歸而下書漢王追藉至固陵則漢王違信之失又可知矣

趙氏曰睢水之敗漢王與數十騎遁去審食其從太公呂后間行遇楚兵所獲置軍中為質至是三年矣乃遣侯公說羽請太公呂后羽乃與漢約分天下以太公呂后歸夫何纔得父妻輒聽詐謀背違信約此市井狡獪之為非君子忠信之道也是以齊桓不肯曹沫之盟晉文不貪伐原之利魏侯不失虞人之期秦伯不廢徙木之賞此四君處戰國之時尚不忘其信况因求

父之約而可背信乎大抵漢祖君臣皆用詭詐之術非湯武弔伐仁義之道也

漢五年紀冬十月漢王追項籍至固陵齊王信魏相國越及劉賈英布皆會十二月圍籍垓下籍走自殺楚地悉定

十月漢王追項羽至固陵與齊王信魏相國越期會擊楚信越不至楚擊漢軍大破之漢王復堅壁自守張良曰彭越本定梁地信家在楚其欲意欲復得故邑捐此兩地以許兩人則楚易破也漢王從之於是信越皆引兵來十一月劉賈南渡淮圍壽春遣人誘楚大司馬周殷殷畔楚以舒屠六舉九江兵迎黥布並行屠城父隨劉賈皆會十二月項王至垓下兵少食盡與漢戰不勝入壁漢軍及諸侯兵圍之數重羽夜聞漢軍四面皆楚歌知盡得楚地羽

帝王開基

卷之八

七

項羽走渡淮至陰陵迷失道陷大澤中灌嬰追及之羽至烏江自殺楚地悉定獨魯不下漢兵引天下兵欲屠之為其守節禮義之國乃持羽頭示其父兄魯乃降漢王以魯公禮葬羽於穀城而去諸民略在楚者皆歸之漢王還定陶馳入齊王信壁奪其軍初項羽所立臨江王共敖前死子尉嗣立為王不降遣盧縮劉賈擊虜尉

林氏曰固陵之追籍已兵敝食盡猶能大破漢軍則劉非項之敵明矣然未幾三將會兵卒能破羽則漢之用人與籍之自用其相去何翅什百詳書信越英布會兵之實所以見漢之離籍卒賴三人之力也

春二月漢王即皇帝位

會編改書云漢王即天子位劉嬰秦侯皇帝詞贊非綱目之體詳大禮尊號篇

漢書令曰兵不得休八年萬民與苦甚今天下事畢其赦天下於是諸侯上疏曰楚王韓信韓王信淮南王英布梁王彭越故衡山王吳芮趙王張敖燕王臧荼昧死再拜言大王陛下先時秦為亡道天下誅之大王先得秦王定關中於天下功最多存亡定危救

敗繼絕以安萬民功盛德厚又加惠於諸侯王有功者使得立社稷地分已定而位號比擬亡上下之分大王功德之著於後世不宣昧死再拜上皇帝尊號漢王曰寡人聞帝者賢者有也虛言亡實之名非所取也今諸侯王皆推高寡人將以處之哉諸侯王皆曰大王起於細微滅亂秦威動海內又以辟陋之地自漢中行威德誅不義立有功平定海內功臣皆受地今也非私之也大王德施四海諸侯王不足以道之居帝位甚宜願大王以幸天下

帝王開基

卷之八

王八

漢王曰諸侯王幸以為便於天下之民則可矣於是諸侯王及太尉長安侯臣綰等三百人與博士稷嗣君叔孫通謹擇良日二月甲午上尊號漢王即皇帝位于汜水之陽

劉氏曰得天下之辭有三即皇帝位正也稱皇帝自稱而已立為帝不宜立者也

漢書帝都雒陽兵皆罷歸家帝置酒雒陽南宮上曰徹侯諸將母敢隱朕言其情吾所以有天下者何項氏之所以失天下者何高祖主陵對曰陛下慢而侮人項羽仁而敬人然陛下使人攻城略地所降下者因以與之與天下同利也項羽妬賢嫉能有功者害之賢者疑之戰勝而不與人功得地而不與人利此所以失天下也上曰公知其一未知其二夫運籌帷幄之中決勝千里之外

吾不子房填國家撫百姓給餉餽不絕糧道吾不如蕭何連百萬之衆戰必勝攻必取吾不如韓信三者皆人傑吾能用之此吾所以取八下也項羽有一范增而不能用此所以爲我禽也群臣說服

史記本論曰夏之政忠之敝小人以野故殷人承之以敬敬之弊小人以鬼故周人承之以文文之弊小人以儉故救使莫若以忠三王之道若循環終而復始周秦之間可謂文弊矣秦政不改反酷刑法豈不謬乎故漢興承敝易變使人不倦得天統矣一史記秦漢之際月表敘曰初作雖發於陳涉虐戾滅秦自項氏撥亂誅暴平定海內卒踐帝祚成於漢家五年之間號令三嬗自生民以來未始有受命若斯之亟也秦起襄公章於文繆獻孝之後

帝王開基

卷之八

五

稍以蠶食六國百有餘載至始皇乃能并冠帶之倫以德若彼用力如此蓋一統若斯之難也秦既稱帝患兵革不休以有諸侯也於是無尺土之封墮壞名城銷鋒鏑鉏豪傑維萬世之安然王跡之興起於閭巷合從討伐軼於三代鄉秦之禁適足以資賢者爲驅除難耳發其所爲天下雄安在無土不王此乃傳之所謂大聖乎豈非天哉豈非天哉

漢書異姓諸侯表序曰昔詩書述虞夏之際舜禹受禪積德累功治于百姓攝位行政考之於天經數十年然後在位殷周之亡乃繇尚稷修仁行義歷十餘世至于湯武然後放弑秦起襄章文繆獻百有餘歲至始皇乃并天下以德若彼用力若此其難也秦既稱帝患周之敗以爲起於處士橫議諸侯力爭四夷交侵以弱

見奪於是削去五等墮城銷刃箝語燒書內鋤雄俊外攘胡粵用壹威權爲萬世安然十餘年間猛敵橫發乎不虞適戍疆於五伯間閭偏於戎狄嚮應潛於謗議奮臂威於甲兵鄉秦之禁適所以資豪傑而速自斃也是以漢無尺土之階一劍之任五載而成帝業書傳所記未嘗有焉何則古世和一首一聖王之烈今漢獨收孤秦之弊鑄金石者難爲功摧枯朽者易爲力其孰然也

漢書本紀贊曰初高祖不修文學而性明達好謀能聽自監門戍卒見之如舊初順民心作三章之約天下既定命蕭何次律令韓信申軍法張敖定章程叔孫通制禮儀陸賈造新語又與功臣剖符作誓丹書鐵契金匱石室藏之宗廟雖日不暇給規模弘遠矣荀悅前漢紀贊曰高祖起於布衣之中奮劍而取天下不由唐虞

帝王開基

卷之八

三

之禪不階湯武之王龍行虎變率從風雲征亂伐暴廓清帝宇八載之間海內克定遂何天之衢登建皇極上古以來書籍所載未嘗有也非雄俊之才寬明之畧歷數所授神祇所相安能致功如此夫帝王之作必有神人之助非德無以建業非命無以定衆或以文昭或以武興或以聖立或以人崇秦皇斬蛇異功同符豈非精靈之感哉故觀秦項之所以興察大漢之所以興得失之驗可見於茲矣

史記索隱述贊曰高祖初起始自徒中言從泗上卽號沛公嘯命豪傑奮發材雄形靈鬱鬱一龍星聚蛇分徑空項氏王命負約奪功王我巴蜀實饋千裏一秦師北丑兵遂東汜水踐位咸陽築宮威加四海還歌太風